


蘆洲詩鈔

下

柳田文庫
文庫11
A1200
3



文庫11
A1200
3

蘆洲詩鈔卷之下

江戸 植村正義子順

丁巳安政四年

元旦

今曉忙非昨臘忙。爭排春物迎東皇。渾家第一欣然事。
六十嚴君未杖鄉。

人日官醫粟本袍庵翁發會席上

唐棣之偏空幾春。只言室遠不相親。記曾君證宋賢句。
我與梅花今日新。

新春雜詠



弱柳為腰態度翩。春風一曲入三絃。詩家白雪歌猶澁。

忽有楊花落酒邊。

楊花效

環坐燈前細語勻。歌牌爭賭戲新春。將言兒女解風雅。

逢雪月花開笑唇。

歌牌戲

剪刀閒日恰新陽。戲打華毬日幾場。失手預防人失笑。

半揎玉腕費商量。

打小毬

立春日與同社諸子。游水東梅莊。次坡公松風亭

韻。

春入小梅村北村。吾曹來此役吟魂。一杈雪白新晴午。
籬落無復囂塵昏。對門青帘故招我。黃公壚接辟疆園。

左手拈花右手酒。酒氣花香冷和溫。白馬公子來何晚。
負春拜年趁曉暎。新春清景詩家物。墨水一條隔朱門。
最謝主人下一榻。傍無俗人相對言。更有陽和融胸墨。
香逐東風撲陶樽。

早春雪後以開門雪滿山為韻

第四

十二街頭白一回。新泥忽被曉暎催。瑤花底事消融早。
只為當初項刺開。

一瞥阿滕驚夢魂。只能留跡著籬根。拜年應避熱官宅。
和夜來敲寒士門。

東風不許凍長結。漠漠同雲春易滅。白放前村千樹花。

兒童誤做隔宵雪。

試追朝霽出柴關。人道扁舟興盡還。不識春寒酸了骨。苦吟一夜縮眉山。

初春遣興

讀書几淨小窓明。曉起恰聽求友聲。一桁青山春霽重。那邊喬木有遷鶯。

仲春雪後同枕夫子醉月兄游水東梅莊

素梅更添素。為有滕六降。籬根雖留影。縞袂豈許雙。只見三吟士。清氣如此江。

步枕夫子韻

模糊殘雪沒籬坳。人立東風詩幾敲。正是半春初四夕。

一痕纖月小梅梢。

豎梅香暗夕陽殘。野徑雪泥行亦難。微月乍昏雲黯澹。滿身飛電灑春寒。

丙吉問喘圖

調元一事意相關。宰相其如騎吏頑。問喘而今應愧古。桃林之野占寬閒。

讀涅槃經

又是池臺春半天。翻經猶自憶當年。早知寒月墮清晝。成佛應居靈運先。

紅梅

水魂玉骨見天真。却借燕脂別作春。應似廣平心鐵石。
其文富艷更驚人。

春日病中雜詩

憶昨新春檢歲華。江邊日詠未開花。如今病卧幽窓底。
乾盡磁盆雪一杈。

病窓殊覺夕陽遲。落枕鼓聲春社知。爭似老狐能跋扈。
縮藏但是學寒龜。

倦夢旋回夜意微。檐聲時報雨霏霏。阿奴應困泥途暗。
傘屐誰家借得歸。此夜小弟外出未歸

亂蓬懶理鬢蕭疎。正是晴窓病起初。何得池南新柳樹。

春風晝暖綠千梳。

一窻春影柳烟青。目不窺園檢藥經。寒疾初瘳風尚怯。
媚人鶯語隔簾聽。

春雨犁潤以春風晚暖曉猶寒為韻

青帝降膏雨。勸農迨此辰。連村施澤遍。萬物發生新。村
社無多日。花朝已半旬。閏年猶異昨。未值艷陽春。
驟暖趁朝動。餘寒和夜空。殘梅吹舍北。新柳拂墻東。人
鬧澹烟外。耕深微雨中。詩田荒未理。懶卧護頭風。
村村人荷耒。吾亦免僵偃。潤已及西家。膏何歸北阮。春
聲入賣餠。烟影和炊飯。病草暖風醫。猶知芳意晚。

四澤無春旱。恩波隨處滿。桑墻茁細芽。蠶屋生新卵。機
 女掃晴窓。耕丁開廢畝。唯看犢背童。相戲烟蕪暖。
 半夜枕衾溫。四檐琴筑遠。煙郊暖日浮。泥陌紅塵杳。葱
 玉撒荒畦。荻針抽淺沼。前田歸鴈兒。驚破懶眠曉。
 一雨潤如油。四郊和氣浮。畝紅桃乍綻。隴翠麥新抽。鬪
 草兒童集。尋花士女遊。吟身方帶病。欲出且夷猶。
 黃鳥沿南牖。呼人起倚欄。風香含菜畝。嵐翠帶松巒。蹄
 道埃猶濕。杯痕水未乾。夕陽難極目。堤柳尚吹寒。

春帆詞

煙散樓頭萬里晴。去來帆影鏡中明。却時催笑揚時淚。

一席春風兩樣心。

冰消滄海暖波堆。雪點孤帆遠影開。好是東風知妾意。

送郎忽近畫樓來。

煙岸迢迢柳線籠。輕帆影暖挂霞紅。想他十里隋隄午。

麗錦春開一幅風。

宿緣山鶯溪窈窕。察此日春盡。察係梅癡上人小

一角林梢葉欲青。幽蹊風雨晚冥冥。後園應有西施菜。

盡意啼鶯學唱經。

昨雨是慈今雨魔。滅花何日又生花。海棠無色山櫻碎。

一夢春過兩梵家。

蘆洲詩鈔卷之十一
五
佛燈花落夢難成。暗引春愁向老櫻。色即是空緣未了。
僧窓風雨證無生。

同前戲為

心火燈光共欲消。禪門夢寐隔春宵。木魚聲緩磬聲急。
報曉南寮催北寮。

水東滿願寺中弄花園。送枕夫子游霞浦。

送客東郊值嫩晴。弄花園裏又聽鶯。誰知此際猶含恨。
吾願如今負寺名。

東台看花

吟人游戲屬僧家。鶯亦唱經誦法華。方便門開真實相。

櫻花今日比蓮花。

晚境塵沈幽梵間。小櫻春色易斜曛。風前忽斷繁華想。
剪落芳鬢一朶雲。

看徹小櫻憑梵樓。花裝春色淡紅稠。一彈指頃皆成佛。
片片飛登彼岸頭。

墨水游春

背拍樓臺隔水遙。岸傍黃菜界塵囂。恍然一路春如夢。
隨蝶迷花過枕橋。

墨陀隄畔艷陽天。看到牛祠春轉妍。無復衣冠翁入夢。
殿前花暖一僧眠。

石塔苔深塵點無。晚櫻芳靜兩三株。祠神也似人生老。縱得春風尚白鬚。

地如孤島別然竒。春靜喬松護古祠。不惹櫻邊歌筵客。綠陰帆影只要詩。

邵康節像

河南逸士德如何。溫國推兄心共和。蓬室退居辭主簿。鹿車到處認行窩。獨憂新法苛嚴極。誰道先生安樂多。淚灑天津橋畔雨。洛陽春老蜀魂過。

新螢

昆溪居席上分體分韻

清宵逢五月。秋氣滿陂塘。幽處烏金沒。暗中螢火煌。蟲

邊穿密竹。蛙外點新秧。已供古書展。未遭輕扇揚。莫呼紅玉燭。須貯碧紗囊。月出乍收影。雨餘時放光。前生雖草腐。今化乃丹良。薄命吾憐汝。終難近太陽。

梅雨夜奉寄枕夫子

前日夫子有飯沼之行送別於水東梅莊矣

夜雨催詩夢不成。黃梅莊裏別時情。願成飯沼青蛙子。鼓吹要君仔細評。

風雨端午書懷

倒懸未解掃晴娘。此日何人仰彼蒼。九月裳衣披五月。端陽風雨抵重陽。丹能除疫豈無術。符亦辟兵仍有方。只恐今年秋不稔。短蓑衝潦看新秧。

竹粉

直節凝霜映翠嵐。錦綉纔脫色方酣。娟娟淨處涼光膩。
細細香中素意含。六逸溪邊同潔質。七賢林下混清談。
竹家粉本誰能及。看到湖州面可慙。

竹陰靜坐以寒聲風滿堂為韻

綉錦變皮冠。清陰玉幾竿。只疑山色近。籬畔碧雲寒。
忍飢相對久。我愛此君清。童子進茶否。隔林敲臼聲。
千畝不須問。十竿其趣同。平生友君子。與俗馬牛風。
騎鶴到揚州。世間其事罕。對君仍大嚼。吾意何時滿。
鏡鑒有明月。火攻無太陽。深林長嘯趣。露坐勝虛堂。

藥名詩

屋簷一半夏陰稠。匝地黃殘過麥秋。群燕難防風力勁。
亂飛相掠帽烏頭。

晒藥

人言命在天。焉知不在藥。縱不得長生。可使身無瘕。曾
蓄三斗艾。就陽披囊索。可無蠹蟲生。淫雨連往昨。晒之
何所用。病身要灸灼。預謀三伏節。儵然免疫瘧。我乏太
藥資。古方今可畧。一艾健全身。長占讀書樂。

夏晝偶作

暑薄風薰永晝清。書窓悄坐倦思生。槐楓圍屋綠陰合。

中有乳鴉呼母聲。

秧雞

清宵格格引聲長。達旦頻鳴也不妨。歌枕乍疑人剝啄。
開門唯見月蒼涼。知音易覓沿陂澤。棲迹難尋沒稻秧。
仗內何須爭賜錦。只隨田父老幽莊。

潭香聞芰荷

官衙洲匡宅集揭題分韻

城中苦炎熱。俯此碧潭激。岸際田田泛。波間漠漠蒸。腥
風霖後斷。涼氣晚來增。吟處鼻何擁。聞時心自凝。魏賢
醒可解。周子說難能。未見采蓮女。興幽應更乘。

水東看紫菖蒲歌

梅天水東多雨氣。菖蒲開日暑猶未。當年此花無人見。
見者必能大富貴。今日此花故媚人。笑受薰風車馬塵。
東家西家爭培養。去年今年愈出新。射水光彩已照灼。
臨風芳姿還綽約。池欄五月別占春。壓倒牡丹與芍藥。
幾人出門有後言。城中某園勝此園。其品第一誇天下。
不許農家乞一根。雖然農家亦好事。爭種此花誇嘉瑞。
得錢誰復苦夏畦。插秧田為種花地。

夏日訪栗原醉月席上

案書狼籍夕陽中。倦眼重開課漸終。忽訝軒頭吹細雪。
何來一陣栗花風。

夏曉即事

床燈已滅不須吹。窓紙未明微白時。自笑早興嚴似吏。
出幙坐寫責蚊詩。

白石榴花

換粧阿醋太多情。脫却緋衣影始清。崔子夢中疑李氏。
張公看處誤花名。昔時石國開丹萼。今日塗林發素英。
最好牖陰濛雨夜。不持紅燭見顏明。

栗原醉月詩會席上。分消暑八詠。得書聲。分韻得
真

窓竹攬秋氣一新。涼聲屬此讀書人。檐頭嘶馬和偏緩。

盆裏游魚聽更親。欲斷先傳微倦意。漸連還表好精神。
樂中喚起童時苦。午熱喉乾復誦頻。

夏夜枕上

早眠纔覺欲殘更。涼入紗幮夜轉清。枕上無端聽小雨。
聚魚吹水一盆聲。

納涼詞

一川白雨洗樓臺。岸上雲開月亦開。隔著垂楊桐屐響。
趁涼人渡石橋來。

新亭銷夏

亭在小西湖西北岸扁曰快快

靜境銷炎夏。疎林礙夕陽。亭新風意快。池古水花香。人

趁西湖宴秋生五月塘。催詩頭上雨。為我鼓枯腸。

病齒枕上

欠了賓筵一笑啞。茗猶難喫飯何加。悔曾饒舌評花月。
病惱詩人入齒牙。

嵇康像

先生有口懶說理。先生有眼懶觀利。已懶歌耳聽格言。
又懶舉足蹈高位。世人誰識先生真。先生不必猶急人。
所以呂安服高致。千里命駕中情親。我亦欽想銷夏境。
流水環柳鍛轂冷。

出游湖山間

六月三日快快亭席上同枕夫子
關雪江坂耕雨諸子賦限體限韵

家近店門頻一敲。蹇驢隨意鞦韆鞞。尋詩行觸夏山背。
置酒坐臨湖水坳。朱閣日斜傳磬杵。碧林烟暗罩蘅茅。
驚看天女新粧艷。元是風荷拆錦包。

塵事炎愁共一拋。看山看水勝于郊。最欽幽岸開吟境。
更喜新亭會舊交。蒲際船過群鷺渚。松間棚架亂蟬梢。
暮涼光景尤難寫。月正初三影掛梢。

北風圍

琢冰成山揚家子。結錦為棚長安人。誰摸一幅劉褒畫。
坐覺北風掃旱塵。巨鼈猛虜藏海窟。雷雨欲來天溟溟。
開門每看萬骨枯。向壁只知一身蘇。何事富人苦炎熱。

不見貧家壁上圖。

夏日。同日下部夢香。服部樂山。會翹街山王社畔寶藏寺。乃以僧房假榻為題。分韻賦詩。

心靜先覺炎。敲老身涼更知商。颺早池蓮刺。有出塵香。苔徑曾無緣。客掃破戒。且把碧筒杯。軒雷驚座玉山倒。熟睡何必待來生。現在已結因緣好。

風雪便面

快筆寫出白漫漫。六月瓊花落掌寒。一柄北風健人骨。更添飛雪儘堪看。居然忽逢灞橋景。何尋驢背舊詩境。此時南窗松亦熱。輸與素紈搖寒影。

蟬快快亭席上分得陽

蟬乎多異類。最好是蜩蟬。亂噪隨秋雨。清吟送夕陽。敢追群鳥雀。故避老螳螂。未免美人妬。翼欺青鬢涼。

鷺分得蓮

前世佳公子。風標今殆仙。雪飛過翠柳。玉立映紅蓮。影晚空湖雨。聲秋六月天。幽情人不及。閒睡占虛船。

銀河

昭回一水界空長。想見天孫揭錦裳。雲路有波明灩灩。仙津無月白茫茫。芙蓉殿上秋分影。烏鵲橋頭夜逗光。起坐挽來將洗筆。素灣斜入曉窓涼。

池塘新秋 快快亭席上分韻

這般清景賽湘江。詩本供人更少雙。紅老池蓮微映水。
翠疎塘柳薄遮窓。月床涼動笛三弄。風閣秋生鐘一撞。
闔境竟非歌吹海。可能著箇水蘭艫。

風雨後同單山人探秋水東日暮小酌植半樓。

不與剩炎城市齊。新涼秋景屬江隄。小樓買醉占何地。
松豎以東梅塚西。

方朔偷桃圖

瑤池之曲塵跡絕。一樹蟠桃其種別。春三千度花一開。
秋三千周實一結。一枚未許賜侍女。獨容此兒已三竊。

轉使玉桃輸青杏。是時侍女何嬌劣。一犬不吠白雲幽。
仙家秋靜恣貪餐。天上誰能整不良。帝傍人自費宣說。
可無明日進諷詞。仙漿先沾滑稽舌。

牽牛花

籬根秋淺曉涼輕。玉露瀼瀼吐碧英。開在人寰迤日影。
移于天漢拆星名。金鈴擲地竟無響。雲錦映空殊有情。
寧許俗人相引接。小園恣意謝高棚。

枕夫子為中秋川東之游。十數年于此矣。今秋遊
信山而未歸也。余因會同社諸子于湖西小亭。次
夫子舊游詩韵。聊補常年川東雅遊之欠耳。

棟將佳境會佳賓。不是川東亦水濱。何事秋風吹暮雨。
故遮明月負高人。清芬丹桂奈違節。黯澹銀河難問津。
夫子信山酣醉否。江都空住苦吟身。

湖上秋陰

釀雨山光晚不分。只聞前渚鴈呼群。繁華六月今猶夢。
黯澹荷陰沒錦雲。

一窓秋影易斜曛。十里山煙帶水雲。好看湖頭微雨過。
淡粧西子世無群。

暮秋送釋柳塘辭東台明王院歸住筑後清水寺。
寺係其師所住矣。

公意豈希貴。佛心還賜緋。明王辭靜坐。清水向秋輝。吟
手自懸榻。客身應授衣。傳燈非剪燭。惜別也須歸。

湖岸對菊

地當西湖頭。秋寄東籬下。有人偶來尋。何勞車與馬。枕
水有一亭。半日榻可假。主人况舊知。與花情相惹。絕勝
世俗看。浮屠連北野。置酒對此花。題詩會吾社。縱非晉
代秋。人物自高雅。我才亦非陶。佳色難描寫。湖雨暗黃
昏。揮筆易苟且。浥露花轉香。不堪採盈把。

戲西紫泉亭醉題

樓高眸自豁。梅小格方新。誰識歲寒底。已含天下春。

圍碁

何翅賢乎已。歡同橘裏仙。莫言多秘訣。只在著人先。

枯荷

繁華一夢水雲埋。六月春風命久乖。奇手製衣無楚客。冷歌停棹有漁娃。薄陰寧許紅鴛寄。寒影唯教雪鷺儕。忍聽湖村今夜雨。千聲偏灑半扉柴。

題單山人盆蘭紙屋

山人筆陣擒右軍。不吹池上鷺成群。山人書品排山谷。只愛盆中蘭吐馥。時冬置之南窗隅。猶恐寒冽穿根株。升堂誰是解事者。保護不須山人需。糊紙製成長索樣。

持來蒙之磁盆上。山人拍案歎賞曰。勝他阿嬌金屋養。人嘲山人鍾情癡。不認山人著眼奇。山人好古不泥古。山人之意我獨知。

池上冬日

放生池古暮烟凝。寒月上亭人不凭。下岸村童成底事。無由射鴨且敲冰。

戊午安政元年

元旦

松梅掩映飾王正。小小相依香色并。所愧三十猶欠一。有家有室未成名。

雪後春寒

苑梅香凍雪華殘。微峭東風月上欄。簾外夜深人著錦。君王猶怕玉肌寒。

春社醉歸分社肉燒殘鼓似雷為韻

少長祈年社日天。盤匱羅列古壇前。半酣歸去村夫子。一杖猶贏賣醉錢。

熱耳聽殘鼓笛囂。詠歸風外過溪橋。桃花夾水斜陽底。紅色依稀社肉燒。次智仙師韻

訪栗原醉月災後假居

賀他玩具總成塵。一火能令一性真。窮裏人謀千日醉。

劫餘梅弄半身春。風情休道歸饒富。樂事應知出苦辛。詩學勸君須勉強。果然格律自今新。

四宜亭春望

亭在東台津梁精舍後園

消閒來叩古禪扃。放眼頓知塵夢醒。一醉望春逢勝地。四宜筭景坐高亭。屋山缺處梅林白。渠水窮邊麥隴青。野雉幾聲斜照外。幽人著意把杯聽。

同大沼夫子久米習齋觀東台花

一杵華鯨一酒卮。林花雪落夕陽枝。游春客散黃昏後。始是吟人得意時。

東風日暮尚春寒。香白淡紅花未殘。吟立聳肩君莫笑。

雪櫻只做雪梅看。

海棠圖

誰縮蜀地現春光。奪取西川萬海棠。著此猩紅賽錦彩。
筆意殆欺宋與唐。君不見紅艷曾映妃子醉。花睡未足
惱明皇。又不見放翁當日走馬見。不管市人喚做狂。我
看壁畫擬坡老。高燒銀燭照紅粧。

春游晚歸

小隊輕裝恣戲嬉。步從野徑傍川涯。煙生柳岸翠千篔。
霞抹杏村紅一旗。行樂尋春須及節。詠歸趁晚不愆期。
流連秉燭豪游者。吾黨風情竟未知。

春晚旬九。枕流老公將看戶田櫻草。促余。余有病不能陪游。明日使人來贈一叢。因賦此謝之。

山頭林櫻開一枝。萬木低頭皆戴之。一朝芳魂化寸草。
千草讓芳如色衰。吾土詠花乃櫻耳。為木為草總相宜。
彼都人士宋僧輩。木纜入眼草未知。枕流公住東台寺。
坐愛山樹春無比。命舟又渡戶田川。行賞野草芳無二。
賞櫻之人豈可少。併木與草應寡類。羨公俯仰領名花。
佛國之天神州地。我知公乎心真圓。無角隨物能轉遷。
善哉六時誦經暇。游戲三昧四禪天。堪謝慈悲及騷客。
一叢投我病榻前。起來拜賜還自愧。病夫竟非維摩禪。

春殘遊東台有感

游山屐破尚吟行。携妓誰能賞晚櫻。芳酒欲殘逾惜味。
嬌花將盡轉添情。滿衣香雪白爭亂。半面春潮紅劣生。
今日樊川狂亦夢。茶煙禪榻聽經聲。

頃日貧甚。將典手寫放翁一集。而不堪愛惜。荆妻亦諫。遂感而止矣。

陸詩曾寫幾縹緲。欲典今朝恨轉長。身外本來無物著。
案頭何復有書藏。雙金妻說非難得。幾卷情知不易償。
好為舅姑供養費。銀釵貯在女兒箱。

初夏雨中書懷

曾無牖戶及綢繆。陰雨其如不暫休。屋漏非原貧亦病。
衣寒似范夏疑秋。爐邊新茗帶箱焙。壁上舊琴和衲收。
只為蒼生生喜色。野雲黃壓麥田頭。

雨深客亦厭新泥。倦夢纔回易慘悽。午霧難消槐宇北。
夕陽不照竹窓西。小池萍際苗魚長。密樹苔陰乳雀啼。
讀到南華多感意。猜他人物未曾齊。

初夏病中遣懷

清和時節卧幽齋。貧病相依與世乖。富貴在天何著眼。
死生有命且舒懷。脫綿柳樹姿猶嫩。張蓋槐陰夢未佳。
且喜弱妻能慰我。手援萱草立庭階。

長晝

松篁陰蓋小園廬。引睡幽人廢著書。靜似山中僧結夏。薰風日永閉門居。

初夏小園用放翁韻同釋智仙賦

勃姑聲隔女桑枝。布穀催農恰及期。人理小園纔半日。雨來四月亦三時。梅黃漸證窻間曆。苔綠旋侵石上詩。更學耘鋤消晝倦。夏畦辛苦預能知。

竹間雨聲

銀絲穿徹翠琅玕。瀟灑偏宜聽倚欄。仙語攪來涼細細。龍吟罷後滴團團。柯亭蕭瑟何須弄。阮宅清和且厭彈。

試問黃州樓上客。應勝風霰亂荒寒。

五月聞鶯

春後竹孫知節苦。雨餘梅子解心酸。黃公老語何堪聽。求友今猶入谷難。

金魚

優游長夏樂浮生。瓶泛琉璃徹底明。娛眼真成勝悅口。縱遭捕逐免調烹。

柳橋夏夕

渡橋人趁晚涼微。蝙蝠時穿暗柳飛。出浴吳娃粧楚楚。削桐輕屐縮綿衣。

小西湖觀蓮

侵曉人追殘月孤。錦雲影淡夢模糊。恍看天女學潘氏。
步步生蓮過小湖。

月欄香滴浴餘肌。旭岸紅潮醉後姿。濃抹淡粧皆自好。
小西湖是小西施。

蓮嶼廟深香霧霏。試粧天女倚金扉。菱花開鏡曉光淨。
照出新裁雲錦衣。

鴛外舟衝淡霧香。也無嬌態認吳娘。紅蓮一柄何曾剪。
雪藕今朝獻法王。

槁石蒼苔絕早塵。白蓮香淨午涼新。前頭緇素看相笑。

母乃前生結社人。

秋初送釋量詮歸總海故刹

今朝過蓮夏。故國記萸秋。非管知機慧。先牽散社愁。忍
岡君寄夢。勝浦我期游。長秀詩祇林夕。吟蟲好應酬。

七月一日夜關雪江見訪次放翁詩韻同賦

靜話宵深眼尚醒。一檐風鐸兩床橫。先吹冷淡同人共。
稍覺炎涼隔夜更。班氏閨中離扇影。韓家燈下著書聲。
逢秋預引天涯恨。潘岳明年客帝京。

舅家高齋氏孀女哀詞

戊午中元
前一日

噩夢纔驚淚已交。忽傳凶問戶頻敲。六年愛勝積中玉。

蘆洲詩金卷之十
十一
一夕消如波上泡。語讖有神妻解認。情緣抵妹我難拋。
焉知明夜蘭盆會。鬼簿新添箇小媯。

薜英萎落夕陽斜。秋氣偏悲送葬家。已歎輕塵棲弱草。
可堪狂雨壓幽花。鍾情方覺愛難久。早慧應曰生有涯。
未解線針先學字。殘箋在篋墨如鴉。

新雨中關雪江見訪分韻同賦

衝泥今早有佳賓。恰聽梧檐鶻喜頻。比漆交親磨墨座。
如蘭氣合喫烟人。濕侵緹帙雨猶密。涼透絺衫秋已新。
明曉觀蓮仍可約。紅衣未落小湖濱。

秋暑夜興次放翁韻

一霎西樓雨箭鳴。草叢起舞勝春榮。金龍走水岸燈鬧。
錢馬嘶風檐鐸輕。靜翫螢光凭檻坐。暗聞荷氣傍池行。
庭園占斷清幽趣。冷淡詩篇取次成。

食瓜

讀詩逢七月。候節乃新秋。熟瓜先可食。火急過園丘。摘
之滿籃貯。剖之一盤浮。嚼之涼漱齒。吞之露沾喉。口知
朱陵種。心疑王母投。我今占此味。未必讓故侯。何比鱸
亭主。龍門貧時愁。誰獨取大者。如棗美不侔。却愛梁縣
令。竊灌感楚仇。此果須愛護。不容穿棘偷。唯付乞巧女。
聊亦供女牛。因知星夕近。新涼入西樓。我應親燈火。口

腹養堪羞。果是鎮心藥。未妨滿案頭。

七月十六日戲作

蘭盆會過正新涼。結伴老姑升法堂。換却平生夜叉相。學他菩薩媚空王。

前赤壁圖

功名出苦辛。達官輸窮士。白傅琵琶行。問地潯陽是。蘇公成此賦。身亦謫官耳。不須淚濕衫。清酒酌秋水。

栗原醉月輓詞 安政戊午八月十四日

家給身閒意自悠。聚芳館裏事風流。詠梅春問孤山勝。把菊秋探彭澤幽。短折或疑關暴富。連災誰會釀深憂。

平生接物多恩惠。天道無知疫作讐。

醉月樓空風意酸。其如仙桂易摧殘。徒期射策廷前業。已拜修文地下官。蘭有遺芳秋尚小。有女猶小鴛無同夢夜方寒。園梅不似主人天。劫後成林花實攢。

一日三秋無限情。可堪迢遞隔重城。當欄紅慕醉顏在。藏甕鹽梅酸味生。二物所贈余畫刺扇頭朱竹色。曾過余室所寫詩存窓外碧蘆聲。過余蘆窓所賦清魂不落幽冥底。乘鶴還應

上玉京。

當年樂事記班荆。總角交深寤憶兄。只要白頭談故舊。焉知朱頰隔幽明。已懸一榻何須下。曾理孤琴空自橫。

楚些招魂魄不返。須鑄遺集播才名。兄昨欲刻詩付余校正而刻未果稿

猶藏
余篋

半秋病窓書懷

暗覺詩天幾日空。快游終未伴吟筒。枕屏護病愁人耳。怕聽窓陰裂葉風。

苦吟眠遲

吟人忘病著眠遲。殘夜秋寒弱婦知。渠欲奪燈儂且拒。可憐詩癖配情癡。

病起四首

死生雖有命。天壽豈無為。養生我有論。何復聽庸醫。多

應禁強食。爛腸貽人嗤。我今病小愈。每食須節之。因噎而得病。不啻繞案兒。食絕而身殞。此理誰不知。可憐求寵妾。約食瘦腰肢。堪笑學仙者。避穀忍長飢。只能量腹食。斯人乃吾師。節食

淫酒能成病。樂酒無厭然。醉生猶小戶。醒來日未千。醉死終難得。且愧劉伶賢。強諫抵毀器。愚婦也可憐。大勝坡公婦。洗盞當我前。止酒

克念作聖者。罔念作狂生。病餘多悔悟。煩念息世營。持我望聖念。述我遺世情。麤粥供夜永。鶉衣護晨清。衣食知自足。何苦求餘贏。坐忘幽窓底。晏如此心平。息念

吾口多謾罵。吾心少謙挹。不啻嘲月花。禦人以口給。怨
往者禍來。病亦自口入。慈親德恩高。人物樂和輯。不啻
活雀龜。陰德人亦及。陽報忽歸兒。兒病得愈急。投報應
懲懼。加恩堪感泣。兒今二十九。折節湏汲汲。直欲走令
名。何待明年立。論報

拒霜花

三朝三換色。醉態倚紅粧。池館素秋曉。可憐能拒霜。

新菊

芳稟自然精且醇。避他花草傲霜神。獨呈佳色裝荒徑。
暗放幽香襲隱人。戴雪中郎高節見。散金翁子晚榮新。

自羞秋士才華老。欲擬陶詩也恐陳。

託盆蘭歌贈單山人

今春無一道人之去東台也。分三盆蘭。贈單山
人。柳塘子及余。單柳二君。皆工愛護。但余獨拙。
貯之未盈半歲。花葉隨萎。屆秋託之於單山人。
已期蘭之秀亦謝我之懶云。

無一道人心無一。千手能具觀音術。墨池臨書書合法。
翰場裁詩詩入律。遊戲三昧更多事。養花有訣欺殷七。
在山獨對芳蘭盆。出山偏問文士室。一朝飛錫離山房。
芳蘭不肯委舊筵。手抱三叢招三士。士皆同心蘭同質。

分山贈塘仍與洲。洲塘山競芳茅茁。山秋塘芳洲獨凋。
託之山人我屈膝。山人指蘭云。吁君培養失。道茂勿分
枝。道茂勿掩日。吁嗟乎吾性獨僻。有手只持箋與筆。愛
芳能續屈原辭。敗叢枉為顏回匹。

病中書感呈松邱公

我室窄不過容膝。客來還認維摩室。其室雖似其人非。
羸卧護病病狀一。我從得病懶隨生。口不曾語足不行。
人道靜修達磨業。文字不立禪不成。小春氣勻十月旦。
謝公引導東橋畔。爾時辜負寒櫻白。有障未能到彼岸。
意馬今著祖生鞭。欲看北溪紅葉鮮。遠公若許再入社。

渡橋必占靈運先。

山間觀落葉

石徑日斜寒襲身。滿山風葉下枝勻。憐渠零落無餘恨。
不學飛花唾路人。

雜詠宋元人物

善取江南不殺人。欺贊有智豈欺君。得錢多勝得官好。
開口未曾誇盛勳。曹彬

寒膽何唯西賊人。兩宮定策每呈身。觸他讒舌公何恨。
獨惜神宗不是神。韓琦

援飛觸檜氣何雄。晚節策驢湖上風。數紙諫書難悟主。

一旗空揭御書忠。韓世忠

想見臯亭雲陣堆。萬人如一障氛埃。浙江潮退江南靜。

鬧語唯聞白鴈來。伯顏

官軍勝敗卜何難。已覺吾生竟不安。玄術無汙白道子。

曾持酒戒犯龍顏。耶律楚材

秋茹

荒腴乍白墮霜清。紫玉猶看映葉明。愛此秋盤殘老味。
勝他夏擔斬新名。煨爐野芋雖輸美。辭架胡瓜已讓榮。
鹽漬休嫌皮抵鐵。肉腴偏好帶香烹。

偶感

高軒不過一家貧。嗟我雕蟲費苦辛。敢說市中無隱者。
驚看樓上有仙人。君卿唇舌悲交喜。優孟衣冠假混真。
演劇滑稽瞽饒得意。場頭容易博錢緡。

枯木寒鴉圖

綠陰曾是寄棲時。誰辨鴉兒異鷺兒。黃落全林斜照敞。
分明黑白得人知。

唐花

郭術應傳般術深。開花有妙破冬陰。盆栽忽報艷陽復。
窖養能防霜氣侵。飛燕避風臺勝玉。阿嬌被暖屋如金。
肯同絲剪呈虛艷。香入華堂動賞心。

次大久保君初冬墨水小游詩韵

帶香曾踏白湯湯。醉袖受風忘暮寒。今日狂花春影小。
滿隄凍雨擁蓑看。

依微殘日映寒流。瞥見黃蘆烟外洲。橋畔一亭旗影現。
遺僮先自問青州。

滿城流疫剩漁農。相遇村人服不凶。川水溶溶浮暖影。
閒鷗睡處夕陽春。

林間邃塢傍斜濱。祠近水神寒日曛。暗處有聲何物是。
橫行前路蟹成群。

橘子纔黃柿子紅。乾聲吹盡葉頭風。草人難賺鴉兒黠。

作惡啞然晴畝中。

霜景尤佳是墨川。豈唯春暮水嬉天。早梅裝素寒松碧。
看到幽莊古寺邊。

三匝過來三谷行。夜寒何耐艇長橫。休言前岸金波暗。
樓月招人乍有明。

爐上書感

紅獸爐寒易化鴉。撥灰頻弄鐵雙叉。焉知一失燒殘火。
災及城中百萬家。

歲市

蕭寺塵喧臘月過。人聲洶洶湧如波。爭私龍斷龍山市。

誰復場中網利多。

窮臘感懷寄無一道人

我家之貧乃祖傳。非關游冶與醉顛。世世好學疎世計。何曾求達媚當權。不解得錢只識字。猶欠豐租斂硯田。何況全家每多病。針藥冗費幾年連。今年剩遭疫鬼困。家財散盡命付天。病起又復逼殘臘。無能癡坐舊青氈。箱剩朝服一二領。架留手抄五六篇。豈無月俸養十口。探借幾月散如捐。老親縱采八十石。多半付債有何全。年過六十難飽肉。煖衣無帛聊被綿。忍看姊妻與兄弟。出入衣服相替穿。何堪債主圍座急。有甚欲避尋無邊。

華翰落手賴有泚。悔吾隔月棠棣翮。公財久假而不返。知非其有期猶愆。欲賣抄書謝公惠。其奈斷卷不直錢。擬典朝服償吾債。且恐當直體無纏。請諸其鄰鄰不聽。嘆息方兄遂無緣。我窮如此今難奈。願公宥罪待來年。來年遠役賜旅俸。逢著孔兄必有便。今我償罪無一物。為役性靈贈此篇。

蘆洲詩鈔卷之下

三

蘆洲詩鈔卷之下

邨嘉平刻

010190525908

48-13454

